













史記抄卷之十九

衛康叔世家

篇中次宣公奪太子伋妻因聽子朔護而殺之而子壽及子伋爭死處可

悲○轉入懿公戴公文公慶令人流涕太息矣

事多而簡括又使人復即了最是史公筆下力

只為武庚餘臣自故特附於卷西

衛康叔名封周武王同母少弟也其次尚有冉季冉季最少武王已克殷紂復以殷餘民封紂子武庚祿父比諸侯以奉其先祀勿絕為武庚未集恐其有賊心武王乃令其弟管叔蔡叔傅相武庚祿父以和其民武王既崩成王少周公旦代成王治當國管叔蔡叔疑周公乃與武庚祿父作亂欲攻成周周公旦以成王命興師伐殷殺武庚祿父管叔放蔡叔以武庚殷餘民封康叔為



康誥云命伯侯  
 於東土則康時  
 初封已為侯矣  
 其康伯以下  
 勿貶爵為伯  
 夷王復命為侯  
 乎此考

衛君居河淇間故商墟周公旦懼康叔齒少乃申告康  
 叔曰必求殷之賢人君子長者問其先殷所以興所以  
 亡而務愛民告以紂所以亡者以淫於酒酒之失婦人  
 是用故紂之亂自此始為梓材示君子可法則故謂之  
 康誥酒誥梓材以命之康叔之國既以此命能和集其  
 民民大說成王長用事即王孫年舉康叔為周司寇賜衛寶祭器  
 以章有德康叔卒子康伯代立音樓康伯卒子考伯立考伯  
 卒子嗣伯立嗣伯卒子康伯立康伯卒子靖伯立靖伯  
 卒子貞伯立貞伯卒子頃侯立頃侯厚賂周夷王夷王  
 命衛為侯頃侯立十二年卒子釐侯立釐侯十三年周



美墓道也

高云武公吸倭也而乃有糾之西乎使國有是無則平人於洪與矣其許許以取於事為史家付向了誤也口按計序衛世子也伯早死其妻共妻守義則好是共伯早死如孫公以弟勝立無親者改自殺了子

厲王出奔于彘共和行政焉二十八年周宣王立四十二年  
美字疑是墓字  
 年。釐侯卒。太子共伯餘立為君。共伯弟和有寵於釐侯。多予之賂。和以其賂賂士以襲攻共伯於墓上。共伯入  
 釐侯。美自殺。衛人因葬之。釐侯旁謚曰共伯而立和為  
 衛侯。是為武公。武公即位。脩康叔之政。百姓和集。四十  
 二年。大戎殺周幽王。武公將兵往佐周平戎。甚有功。周  
 平王命武公為公。五十二年卒。子莊公揚立。莊公五年  
 取齊女為夫人。好而無子。又娶陳女為夫人。生子蚤死。  
 陳女女弟亦幸於莊公。而生子完。完母死。莊公會夫人  
 齊女子。立為太子。莊公有寵妾生子州吁。十八年州



吁長好兵。莊公使將石碯。諫莊公曰：「庶子好兵，使將亂。」自此起，不聽。二十三年，莊公卒，太子完立，是為桓公。桓公二年，弟州吁驕奢。桓公絀之。州吁出奔。十三年，鄭伯弟段攻其兄，不勝亡。而州吁求與之友。十六年，州吁收聚衛亡人以襲殺桓公。州吁自立為衛君，為鄭伯弟段欲伐鄭，請宋陳蔡與俱。三國皆許。州吁、州新立，好兵，弑桓公。衛人皆不愛。石碯乃因桓公母家於陳，詳為善。州吁至鄭郊，石碯與陳侯共謀，使右宰醜進食，因殺州吁于濮，而迎桓公弟晉於邢而立之，是為宣公。宣公七年，魯弑其君隱公。九年，宋督弑其君殤公。及孔父十年。



簡鍊不若左氏  
而筆端技藝  
伎術多踴躍如  
見則左乃漢書

晉曲沃莊伯殺其君哀侯十八年。初宣公愛夫人夷姜。  
甚明次可讀  
夷姜生子伋，以為太子。而令右公子傅之。右公子為太  
子取齊女，未入室。而宣公見所欲為太子婦者，好說而  
自取之，更為太子取他女。宣公得齊女，生子壽。子朔令  
左公子傅之。太子伋母死，宣公正夫人與朔共讒惡太  
子伋。宣公自以其奪太子妻也，心惡太子，欲廢之。及聞  
其惡，大怒，乃使太子伋於齊，而令盜遮界上殺之。與太  
子白旄而告界盜，見持白旄者殺之。且行，子朔之兄壽  
太子異母弟也，知朔之惡太子，而君欲殺之，乃謂太子  
曰：「界盜見太子白旄，即殺太子。」太子可母行。太子曰：「逆。」



父命求生不可遂行壽見太子不止乃盜其白旄而先馳至界盜見其驗即殺之壽已死而太子伋父至謂盜曰所當殺乃我也盜併殺太子伋以報宣公生而子

壽又過之矣可涕

宣公乃以子朔為太子十九年宣公卒太子

朔立是為惠公左右公子不平朔之立也惠公四年左

右公子怨惠公之讒殺前太子伋而代立乃作亂攻惠

公立太子伋之弟黔牟為君惠公奔齊衛君黔牟立八

年齊襄公率諸侯奉王命共伐衛惠公不宣有衛納惠公誅左右公子

衛君黔牟奔于周惠公復立詳惠公立三年出亡亡八年

復入與前通年凡十三年矣二十五年惠公怨周之密



舍黔牟與燕伐周周惠王奔溫衛燕立惠王弟頹為王  
 二十九年鄭復納惠王三十一年惠公卒子懿公赤立  
 懿公即位好鶴淫樂奢侈九年翟伐衛衛懿公欲發兵  
 兵或畔大臣言曰君好鶴鶴可令擊翟翟於是遂入殺懿  
 公懿公之立也百姓大臣皆不服自懿公父惠公朔之  
 讒殺太子伋代立至於懿公常欲敗之卒滅惠公之後  
 而更立黔牟之弟昭伯頑之子申為君是為戴公戴公  
 申元年卒齊桓公以衛數亂乃率諸侯伐翟為衛築楚  
 丘立戴公弟燬為衛君是為文公文公以亂故奔齊齊  
 人入之初翟殺懿公也衛人憐之思復立宣公前死太

太史公極分明處可愛

如畫

如畫不事南



頑張宣姜其行  
醜矣而卒昭原  
封其祀其禍子也  
人之無良而卒  
勵必其身之邪

子伋之後伋子又死而代伋死者子壽又無子太子伋  
同母第二人其一曰黔牟黔牟嘗代惠公為君八年復  
去其二曰昭伯昭伯黔牟皆已前死故立昭伯子申為  
戴公戴公卒復立其弟燬為文公文公初立輕賦平罪  
身自勞與百姓同苦以收衛民十六年晉公子重耳過  
無禮十七年齊桓公卒二十五年文公卒子成公鄭立  
成公三年晉欲假道於衛救宋成公不許晉更從南河  
度救宋徵師於衛衛大夫欲許成公不肯大夫元咺攻  
成公成公出奔晉文公重耳伐衛分其地予宋討前過  
無禮及不救宋患也衛成公遂出奔陳二歲如周求入



與晉文公會。晉使人鳩衛成公。成公私於周主。鳩令薄。得不死。已而周爲請。晉文公卒入之衛。而誅元咺。衛君瑕出奔。七年。晉文公卒。十二年。成公朝晉襄公。十四年。秦穆公卒。十六年。齊邴歃弑其君懿公。三十五年。成公卒。子穆公邀立。穆公二年。楚莊王伐陳。殺夏徵舒。三年。楚莊王圍鄭。鄭降。後釋之。十一年。孫良夫救魯伐齊。復得侵地。穆公卒。子定公臧立。定公十二年。卒。子獻公衎立。獻公十三年。公令師曹教宮妾鼓琴。妾不善。曹笞之。妾以幸。惡曹於公。公亦笞曹三百。十八年。獻公戒孫文子甯惠子食。皆往。日旰不召。而去射鴻於囿。二子從之。



公不釋射服與之言。二子怒如宿。孫文子子數侍公飲。使師曹歌巧言之卒章。師曹又怒公之嘗筮三百。乃歌之。欲以怒孫文子。報衛獻公。文子語蘧伯玉。伯玉曰。臣不知也。遂攻出獻公。獻公奔齊。齊置衛獻公於聚邑。孫文子甯惠子共立定公。弟秋爲衛君。是爲殤公。殤公秋立。封孫文子林父於宿。十二年。甯喜與孫林父爭寵。相惡。殤公使甯喜攻孫林父。林父奔晉。復求入故衛獻公。獻公在齊。齊景公聞之。與衛獻公如晉。求入。晉爲伐衛。誘與盟。衛殤公會晉平公。平公執殤公。與甯喜而復入衛。獻公。獻公亡在外十二年。而入。獻公後元年。誅甯喜。



三年吳延陵季子使過衛見蘧伯玉史鮒曰衛多君子其國無故過宿孫林父爲擊磬曰不樂音大悲使衛亂乃此矣是年獻公卒子襄公惡立襄公六年楚靈王會諸侯襄公稱病不往九年襄公卒初襄公有賤妾幸之有身夢有人謂曰我康叔也令若子必有衛名而子曰元妾怪之問孔成子成子曰康叔者衛祖也及生子男也以告襄公襄公曰天所置也名之曰元襄公夫人無子於是乃立元爲嗣是爲靈公靈公五年朝晉昭公六年楚公子弃疾弒靈王自立爲平王十一年火三十八年孔子來祿之如魯後有隙孔子去後復來三十九年



不言所以有惡  
衛史為國諱

太子蒯聵與靈公夫人南子有惡欲殺南子蒯聵與其  
徒戲陽邀謀朝使殺夫人戲陽後悔不果蒯聵數目之  
夫人覺之懼呼曰太子欲殺我靈公怒太子蒯聵犇宋  
已而之晉趙氏四十二年春靈公游于郊令子郢僕郢  
靈公少子也字子南靈公怨太子出犇謂郢曰我將立  
若為後郢對曰郢不足以辱社稷君更圖之夏靈公卒  
夫人命子郢為太子曰此靈公命也郢曰亡人太子蒯  
聵之子輒在也不敢當於是衛乃以輒為君是為出公  
六月乙酉趙簡子欲入蒯聵乃令陽虎詐命衛十餘人  
襲經歸簡子送蒯聵衛人聞之發兵擊蒯聵不得入入



五  
殺君附見

宿而保衛人亦罷兵。出公輒四年。齊田乞弑其君孺子。  
八年。齊鮑子弑其君悼公。孔子自陳入衛。九年。孔文子  
問兵于仲尼。仲尼不對。其後魯迎仲尼。仲尼反。魯十二  
年。初。孔圉文子取太子蒯聵之姊生。慚孔氏之豎渾良  
夫。美好。孔文子卒。良夫通於慚母。太子在宿。慚母使良  
夫於太子。太子與良夫言曰。苟能入我國。報子以乘軒。  
免子三死。母所與與之盟。許以慚母爲妻。閏月。良夫  
與太子入舍。孔氏之外圃。昏。二人蒙衣而乘。宦者羅御。  
如孔氏。孔氏之老嬖甯問之。稱姻妾以告。遂入。適伯姬。  
氏既食。慚母杖戈而先。太子與五人介與嬖從之。伯姬



尚以召復  
車乃乘  
駕下行爵食  
身

劫惺於廁。疆盟之。遂劫以登臺。欒甯將子飲酒。炙未熟。聞亂。使告仲由。召護駕乘車。行爵食。炙奉出。公輒犇魯。仲由將入。遇子羔將出。曰。門已閉矣。子路曰。吾姑至矣。子羔曰。不及。莫踐其難。子路曰。食焉。不辟其難。子羔遂出。子路入。及門。公孫敢闔門曰。毋入。爲也。子路曰。是公孫也。求利而逃其難。由不然。利其祿。必救其患。有使者出。子路乃得入。曰。太子焉用孔惺。雖殺之。必或繼之。且曰。太子無勇。若燔臺。必舍孔叔。太子聞之。懼下石。乞孟獻敵子路。以戈擊之。割纓。子路曰。君子死。冠不免。結纓而死。孔子聞衛亂。曰。嗟乎。柴也其來乎。由也其死矣。孔



惺竟立太子蒯聵。是爲莊公。莊公蒯聵者，出公父也。居  
外。怨大夫莫迎立。元年，即位。欲盡誅大臣。曰：寡人居外  
久矣。子亦嘗聞之乎？群臣欲作亂，乃止。二年，魯孔丘卒。  
三年，莊公上城，見戎州。曰：戎虜何爲是？戎州病之。十月，  
戎州告趙簡子。簡子圖衛。十一月，莊公出奔。衛人立公  
子斑師爲衛君。齊伐衛。虜斑師，更立公子起爲衛君。衛  
君起元年，衛石曼專逐其君起奔齊。衛出公輒自齊  
復歸立。初，出公立十二年亡。亡在外四年，復入。出公後  
元年，宣從亡者立。二十一年卒。出公季父黔攻出公，酈  
自立。是爲悼公。悼公五年卒。子敬公弗立。敬公十九年



鍾云公孫鞅入秦  
特詳以秦之亡  
在鞅也

卒。子昭公糾立。是時三晉彊。衛如小侯。屬之。昭公六年。  
公子亹弑之。代立。是爲懷公。懷公十一年。公子頽弑懷  
公而代立。是爲慎公。慎公父公子適。適父敬公也。慎公  
四十二年卒。子聲公訓立。聲公十一年卒。子成侯速立。  
成侯十一年。公孫鞅入秦。十六年。衛更貶號曰侯。二十  
九年。成侯卒。子平侯立。平侯八年卒。子嗣君立。嗣君五  
年。更貶號曰君。獨有濮陽。四十二年卒。子懷君立。懷君  
三十一年。朝魏。魏囚殺懷君。魏更立嗣君弟。是爲元君。  
元君爲魏壻。故魏立之。元君十四年。秦拔魏東地。秦初  
置東郡。更徙衛野王縣。而并濮陽爲東郡。二十五年。元



君卒子君角立君角九年秦并天下立爲始皇帝二十一年二世廢君角爲庶人衛絕祀

太史公曰余讀世家言至於宣公之太子以婦見誅弟壽爭死以相讓此與晉太子申生不敢明驪姬之過同俱惡傷父之志然卒死亡何其悲也或父子相殺兄弟相滅亦獨何哉

仍申生無後天之報善如此

衛康叔世家終







史記抄卷之二十

晉世家

晉本大國而史迂次晉武公以及獻公之立世系甚明而獻公惑於嬖姬五公子相繼爭立而晉不絕者如帶矣文公末年得復國而以伯天下靈景厲中才之主然因遺業又多疆輔故得與秦楚並雄中原悼公再伯未幾而死國遂分於六卿以亡悲夫。史迂大畧多本左氏傳國語故文多可觀覽云

唐叔虞者周武王子而成王弟初武王與叔虞母會時夢

天謂武王曰余命女生子名虞余與之唐及生子文在其

手曰虞故遂因命之曰虞武王崩成王立唐有亂周公誅

滅唐成王與叔虞戲削桐葉為珪以與叔虞曰以此封若

史佚因請擇日立叔虞成王曰吾與之戲耳史佚曰天子

刪左傳用就簡直叙佳處多遺然不足見其筆力



至此將名晉侯以前  
曰唐也  
以堯墟南有晉故  
改曰晉

此段但叙曲沃翼  
相稱非一子

無戲言。言則史書之。禮成之。樂歌之。於是遂封叔虞於唐。  
唐在河汾之東方百里。故曰唐叔虞。姓姬氏。字子于。唐叔  
子燮。是為晉侯。晉侯子寧族。是為武侯。武侯子服人。是為  
成侯。成侯子福。是為厲侯。厲侯子宜臼。是為靖侯。靖侯已  
來。年紀可推。自唐叔至靖侯。五世。無其年數。靖侯十七年。  
周厲王迷惑暴虐。國人作亂。厲王出奔于彘。大臣行政。故  
曰共和。十八年。靖侯卒。子釐侯司徒立。釐侯十四年。周宣  
王初立。十八年。釐侯卒。子獻侯籍立。獻侯十年卒。子穆侯  
費王立。穆侯四年。取齊女姜氏為夫人。七年。伐條。生太子  
仇。十年。伐千畝。有功。生少子。名曰成師。晉人師服曰。異哉。



文侯也立平王此  
不序平王王命  
乃入於踐土中  
蓋誤以文侯為  
公也

君之命子也。太子曰仇。仇者讎也。少子曰成師。成師大號  
成之者也。名自命也。物自定也。今適庶名反逆。此後晉其  
能毋亂乎。二十七年。穆侯卒。弟殤叔自立。太子仇出奔殤  
叔三年。周宣王崩。四年。穆侯太子仇率其徒襲殤叔而立。  
是為文侯。文侯十年。周幽王無道。犬戎殺幽王。周東徙。而  
秦襄公始列為諸侯。三十五年。文侯仇卒。子昭侯伯立。昭  
侯元年。封文侯弟成師于曲沃。曲沃曲沃亂晉之始邑大於翼。翼晉君都  
邑也。成師封曲沃。號為桓叔。靖侯庶孫欒賓相。桓叔桓叔  
是時年五十八矣。好德。晉國之眾皆附焉。君子曰。晉之亂  
其在曲沃矣。末大於本而得民心。不亂何待。七年。晉大臣



潘父弑其君昭侯而迎曲沃桓叔桓叔欲入晉晉人發兵  
 攻桓叔桓叔敗還歸曲沃晉人共立昭侯子平爲君是爲  
 孝侯誅潘父孝侯八年曲沃桓叔卒子鰈代桓叔是爲曲  
 沃莊伯孝侯十五年曲沃莊伯弑其君晉孝侯子翼晉人  
 攻曲沃莊伯莊伯復入曲沃晉人復立孝侯子郤爲君是  
 爲鄂侯鄂侯二年魯隱公初立鄂侯六年卒曲沃莊伯聞  
 鄂侯卒乃興兵伐晉周平王使虢公將兵伐曲沃莊伯莊  
 伯走保曲沃晉人共立鄂侯子光是爲哀侯哀侯二年曲  
 沃莊伯卒子稱代莊伯立是爲曲沃武公哀侯六年魯弑  
 其君隱公哀侯八年晉侵陘廷陘廷與曲沃武公謀九年



高云以平桓之弱而  
 兩帝師伐出沃猶  
 見天討之是曲也  
 直之分也而桓王  
 獨貪室器之賂命  
 武公為師侯是為  
 君臣之父子故周  
 王失德不招初  
 命三晉大夫之  
 斯度而招打命  
 武公時之

晉有兩穆侯言先  
 以別

伐晉于汾旁虜哀侯晉人乃立哀侯子小子為君是為小  
 子侯小子元年曲沃武公使韓萬殺所虜晉哀侯曲沃益  
 彊晉無如之何晉小子之四年曲沃武公誘召晉小子殺  
 之周桓王使虢仲伐曲沃武公武公入于曲沃乃立晉哀  
 侯弟緡為晉侯緡四年宋執鄭祭仲而立突為鄭君晉侯  
 十九年齊人管至父弑其君襄公晉侯二十八年齊桓公  
 始霸曲沃武公伐晉侯緡滅之盡以其寶器賂獻于周釐  
 王釐王命曲沃武公為晉君列為諸侯於是盡併晉地而  
 有之曲沃武公已即位三十七年矣更號曰晉武公總前倒晉武  
 公始都晉國前即位曲沃通年三十八年武公稱者先晉



穆侯魯孫也。曲沃桓叔孫也。桓叔者始封曲沃武公莊伯子也。自桓叔初封曲沃以至武公滅晉也凡六十七歲。輒代晉為諸侯。武公代晉二歲卒。與曲沃通年即位。凡三十九年而卒。子獻公詭諸立。獻公元年。周惠王弟頤攻惠王。惠王出奔居鄭之櫟邑。五年伐驪戎。得驪姬。驪姬弟俱愛幸之。八年士蒍說公曰。故晉之羣公子多不誅。亂且起。乃使盡殺諸公子。而城聚都之。命曰絳。始都絳。九年晉羣公子既亡。奔虢。虢以其故再伐晉。弗克。十年晉欲代虢。士蒍曰。且待其亂。十二年驪姬生奚齊。獻公有意廢太子。乃曰。曲沃吾先祖宗廟所在。而蒲邊秦屈邊翟。不使諸子居之。



伏以秦夫人涕泣  
救晉君於某

高云是時三晉全  
盛而今三晉之人  
胎於此時生於中  
陰生乎中陰外

我懼焉。於是使太子申生居曲沃。公子重耳居蒲。公子夷  
吾居屈。獻公與驪姬子奚齊居絳。晉國以此知太子不立  
也。太子申生其母齊桓公女也。曰齊姜。早死。申生同母女  
弟為秦穆公夫人。重耳母翟之狐氏女也。夷吾母重耳母  
女弟也。獻公提子八人。而太子申生重耳夷吾皆有賢。待及  
得驪姬。乃遠此三子。十六年。晉獻公作二軍。公將上軍。太  
子申生將下軍。趙夙御戎。畢萬為右。伐滅霍。滅魏。滅耿。還  
為太子城曲沃。賜趙夙耿。賜畢萬魏。畢萬魏之始以為大夫。士蔣曰。太  
子不得立矣。分之都城。而位以卿。先為之極。又安得立。不  
如逃之。無使罪至。為吳太伯。不亦可乎。猶有令名。太子不



畢萬之兆辭已見  
於魏世家然入彼  
固是此可刪

從卜偃曰畢萬之後必大萬盈數也魏大名也以是始賞  
天開之矣天子曰兆民諸侯曰萬民今命之大以從盈數  
其必有衆初畢萬卜仕於晉國遇屯之比辛廖占之曰吉  
屯固比入吉孰大焉其後必蕃昌十七年晉侯使太子申  
生伐東山里克諫獻公曰太子奉冢祀社稷之粢盛以朝  
夕視君膳者也故曰冢子君行則守有守則從從曰撫軍  
守曰監國古之制也夫率師專行謀也誓軍旅君與國政  
之所圖也非太子之事也師在制命而已稟命則不威專  
命則不孝故君之嗣適不可以帥師君失其官率師不威  
將安用之公曰寡人有子未知其太子誰立里克不對而



此所記与左氏稍然  
要之使人憂悲  
何所不有固是後  
快之語

退見太子太子曰吾其廢乎里克曰太子勉之教以軍旅  
不共是懼何故廢乎且子懼不孝毋懼不得立脩已而不  
責人則免於難太子帥師公衣之偏衣佩之金玦里克謝  
病不從太子太子遂伐東山十九年獻公曰始吾先君莊  
伯武公之誅晉亂而虢常助晉伐我又匿晉亡公子果爲  
亂弗誅後遺子孫憂乃使荀息以屈產之乘假道於虞虞  
假道遂伐虢取其下陽以歸獻公私謂驪姬曰吾欲廢太  
子以奚齊代之驪姬泣曰太子之立諸侯皆已知之而數  
將兵百姓附之柰何以賤妾之故廢適立庶君必行之妾  
自殺也驪姬詳譽太子而陰令人譖<sub>陰妬</sub>太子而欲立其子



有前語不可無此  
應此語乃文  
快

二十一年驪姬謂太子曰君夢見齊姜太子速祭曲沃歸  
釐於君太子於是祭其母齊姜於曲沃上其薦胙於獻公  
獻公時出獵置胙於宮中驪姬使人置毒藥胙中居二日  
獻公從獵來還宰人上胙獻公獻公欲饗之驪姬從旁止  
之曰胙所從來遠宜試之祭地地墳與犬犬死與小臣小  
臣死驪姬泣曰太子何忍也其父而欲弑代之况他人乎  
且君老矣旦暮之人曾不能待而欲弑之謂獻公曰太子  
所以然者不過以妾及奚齊之故妾願子毋辟之他國若  
早自殺毋徒使母子爲太子所魚肉也始君欲廢之妾猶  
恨之至於今妾殊自失於此太子聞之奔新城獻公怒乃



設且怒得情左云  
姬必有罪乃是為  
父諱一犯余一記  
作面要一辭當從  
左意當從此

誅其傳杜原款或謂太子曰為此藥者乃驪姬也太子何  
不自辭明之太子曰吾君老矣非驪姬寢不安食不甘即  
辭之君且怒之不可或謂太子曰可奔他國太子曰被此  
惡名以出人誰入我我自殺耳十二月戊申申生自殺於  
新城此時重耳夷吾來朝人或告驪姬曰二公子怨驪姬  
譖殺太子驪姬恐因譖二公子申生之藥胙二公子知之  
二子聞之恐重耳走蒲夷吾走屈保其城自備守初獻公  
使士薦為二公子築蒲屈城弗就夷吾以告公公怒士薦  
士薦謝曰邊城少寇安用之退而歌曰狐裘蒙茸一國三  
公吾誰適從卒就城及申生死二子亦居保其城二十一



年獻公怒二子不辭而去。果有謀矣。乃使兵伐蒲。蒲人之  
宦者勃鞞命重耳促自殺。重耳踰垣。宦者追斬其衣袂。重  
耳遂奔翟。使人伐屈。屈城守不可下。是歲也。晉復假道於  
虞以伐虢。虞之大夫宮之奇諫虞君曰。晉不可假道也。是  
且滅虞。虞君曰。晉我同姓。不宜伐我。宮之奇曰。太伯虞仲  
太王之子也。太伯亡去。是以不嗣。虢仲虢叔王季之子也。  
爲文王卿士。其記勲在王室。藏於盟府。將虢是滅。何愛於  
虞。且虞之親能親於桓莊之族乎。桓莊之族何罪。盡滅之。  
虞之與虢。唇之與齒。唇亡則齒寒。虞公不聽。遂許晉。宮之  
奇以其族去。虞其冬。晉滅虢。虢公醜奔周。還襲滅虞。虜虞。



又同立數句為  
獻公稱禍之附  
公為重耳西朝  
業之根

公及其大夫井伯百里奚以媵秦穆姬而脩虞祀荀息牽  
曩所遺虞屈產之乘馬奉之獻公獻公笑曰馬則吾馬齒  
亦老矣二十三年獻公遂發賈華等伐屈屈潰夷吾欲奔  
翟冀芮曰不可重耳已在矣今往晉必移兵伐翟翟畏晉  
禍且及不如走梁梁近於秦秦彊吾君百歲後可以求入  
馬遂奔梁提二十五年晉伐翟翟以重耳故亦擊晉於齧桑  
晉兵解而去提當時晉彊西有河西與秦接境北邊翟東  
至河內驪姬弟生悼子二十六年齊桓公大會諸侯於葵  
丘晉獻公病行後未至逢周之宰孔宰孔曰齊桓公益驕  
不務德而務遠畧諸侯弗平君第毋會毋如晉何獻公亦



病復還歸病甚乃謂荀息曰吾以奚齊爲後年少諸大臣

不服恐亂起子能立之乎荀息曰能獻公曰何以爲驗對

荀息不輔其於道

曰使死者復生生者不慚爲之驗於是遂屬奚齊於荀息

荀息爲相主國政秋九月獻公卒里克邳鄭欲內重耳三

公子徒作亂謂荀息曰三怨將起秦晉輔之子將何如荀

息曰吾不可負先君言十月里克殺奚齊於喪次獻公未

葬也荀息將死之或曰不如立奚齊弟悼子而傳之荀息

立悼子而葬獻公十一月里克殺悼子於朝荀息死之君

子曰詩所謂白珪之玷猶可磨也斯言之玷不可爲也其

音語

荀息之謂乎不負其言初獻公將伐驪戎卜曰齒牙爲禍



及破驪戎獲驪姬愛之竟以亂晉里克等已殺奚齊悼子

使人迎公子重耳於翟欲立之重耳重耳知國難方殷故不敢入謝曰負父之命出奔

父死不得脩人子之禮侍喪重耳何敢入大夫其更立他

子還報里克里克使迎夷吾於梁夷吾欲往呂省卻芮曰

內猶有公子可立者而外求難信計非之秦輔彊國之威

以入恐危乃使卻芮厚賂秦約曰即得入請以晉河西之

地與秦乃遺里克書曰誠得立請遂封子於汾陽之邑秦

穆公乃發兵送夷吾於晉齊桓公聞晉內亂亦率諸侯如

晉秦兵與夷吾亦至晉齊乃使隰朋會秦俱入夷吾立爲

晉君是爲惠公齊桓公至晉之高梁而還歸惠公夷吾元



年使邳鄭謝秦曰始夷吾以河西地許君今幸得入立大

臣曰地者先君之地君亡在外何以得擅許秦者寡人爭

之弗能得故謝秦亦不與里克汾陽邑而奪之權夷吾背義內失

功臣外倍與國能無亡乎四月周襄王使周公忌父會齊秦大夫共禮

晉惠公惠公以重耳在外畏里克為變賜里克死謂曰微

里子寡人不得立惠公非人情也雖然子亦殺二君一大夫為子君者不

亦難乎里克對曰不有所廢君何以興欲誅之其無辭乎

乃言為此臣聞命矣遂伏劍而死於是邳鄭使謝秦未還

故不及難晉君改葬恭太子申生秋狐突之下國遇申生

申生與載而告之曰夷吾無禮余得請於帝將以晉與秦



奇事以奇語結

秦將祀余狐突對曰臣聞神不食非其宗君其祀母乃絕  
乎君其圖之申生曰諾吾將復請帝後十日新城西偏將  
有巫者見我焉許之遂不見及期而往復見申生告之曰  
帝許罰有罪矣弊於韓兒乃謚曰恭太子更葬矣後十四  
年晉亦不昌昌乃在兄邳鄭使秦聞里克誅乃說秦繆公  
曰呂省郤稱冀芮實為不從若重賂與謀出晉君入重耳  
夷吾請秦秦馬得不憾憾故許邳鄭入重耳也  
事必就秦繆公許之使人與歸報晉厚賂三子三子曰幣  
厚言甘此必邳鄭賣我於秦遂殺邳鄭及里克邳鄭之黨  
七輿大夫邳鄭子豹奔秦言伐晉繆公弗聽惠公之立倍  
秦地及里克誅七輿大夫國人不附二年周使召公過禮



晉惠公。惠公禮倨。召公譏之。四年。晉饑。乞糴於秦。繆公問  
百里奚。百里奚曰。天蓄流行。國家代有。救畜恤鄰。國之道  
也。與之。邳鄭子豹曰。伐之。繆公曰。其君是惡。其民何罪。卒  
與粟。自雍屬絳。五年。秦饑。請糴於晉。晉君謀之。慶鄭曰。以  
秦得立。已而倍其地約。晉饑而秦貸我。今秦饑。請糴與之。  
何疑。而謀之。虢射曰。往年天以晉賜秦。秦弗知取而貸我。  
今天以秦賜晉。晉其可以逆天乎。遂伐之。惠公用虢射謀。  
不與秦粟。而發兵且伐秦。秦大怒。亦發兵伐晉。六年。春。秦  
繆公將兵伐晉。晉惠公謂慶鄭曰。秦師深矣。柰何。鄭曰。秦  
內君。君倍其賂。晉饑。秦輸粟。秦饑而晉倍之。乃欲因其饑。



一言之善  
動人如此

伐之其深不亦宜乎。晉卜御在慶鄭皆吉。公曰：鄭不孫，乃更令步陽御戎。家僕徒爲右進兵。九月壬戌，秦穆公晉惠公合戰韓原。惠公馬驚不行，秦兵至，公窘。召慶鄭爲御，鄭曰：不用，卜敗不亦當乎？遂去。更令梁繇靡御，虢射爲右。輅秦穆公繆公壯士冒敗晉軍，晉軍敗，遂失秦繆公。反獲晉公以歸。秦將以祀上帝。晉君姊爲繆公夫人，褒姒涕泣，公曰：得晉侯將以爲樂。今乃如此。且吾聞箕子見唐叔之初封，曰：其後必當大矣。晉庸可滅乎？乃與晉侯盟王城而許之歸。晉侯亦使呂省等報國人曰：孤雖得歸，毋面目見社稷。卜曰：立子圉。晉人聞之皆哭。秦繆公問呂省：晉國和乎？



刪謂君何一段覺  
精神感。左侍回  
妙然在此不得不  
簡

王守溪曰沒了子  
圍來應起圍與秦  
隙沒入重耳

對曰不和。小人懼失君亡親，不憚立子圉。曰：必報讎，寧事  
戎狄。其君子則愛君而知罪，以待秦命。曰：必報德，有此二  
故，不和。於是秦繆公更舍晉惠公，餽之七牢。十一月，歸晉  
侯。晉侯至國，誅慶鄭，修政教。謀曰：重耳在外，諸侯多利內  
之，欲使人殺重耳於狄。重耳聞之，如齊。八年，使太子圉質  
秦。初，惠公亡在梁，梁伯以其女妻之，生一男一女。梁伯卜  
之，男為人臣，女為人妾。故名男為圉，女為妾。十年，秦滅梁。  
梁伯好土功，治城溝，民力罷怨。其衆數相驚曰：秦寇至，民  
恐惑。秦竟滅之。十三年，晉惠公病，內有數子。太子圉曰：吾  
母家在梁，梁今秦滅之，我外輕於秦而內無援於國。君聞



不起病大夫輕更立他公子乃謀與其妻俱亡歸秦女曰  
子一國太子辱在此秦使婢子侍以固子之心子亡矣我  
不從子亦不敢言子圉遂亡歸晉十四年九月惠公卒太  
子圉立是爲懷公子圉之亡秦怨之乃求公子重耳欲內  
之子圉之立畏秦之伐也乃令國中諸從重耳亡者與期  
期盡不到者盡滅其家狐突之子毛及偃從重耳在秦弗  
肯召懷公怒囚狐突突曰臣子事重耳有年數矣今召之  
是教之反君也何以教之懷公卒殺狐突秦繆公乃發兵  
送內重耳使人告欒卻之黨爲內應殺懷公於高粱入重  
耳重耳立是爲文公晉文公重耳晉獻公之子也自少好



傳完出奔入國  
事重鋪叙一番  
為文必出之

士年十七有賢士五人曰趙衰狐偃咎犯文公舅也賈佗

先軫魏武子自獻公為太子時重耳固已成人矣獻公即

位重耳年二十一獻公十三驪姬故重耳備蒲城守秦

獻公二十一年獻公殺太子申生驪姬讒之恐不辭獻公

而守蒲城獻公二十二年獻公使宦者履鞮趣殺重耳重

耳踰垣宦者逐斬其衣袂重耳遂奔狄狄其母國也是時

重耳年四十三從此五士其餘不名者數十人至狄狄伐

咎如得二女以長女妻重耳生伯儵叔劉以少女妻趙衰

生盾居狄五歲而晉獻公卒里克已殺奚齊悼子乃使人

迎欲立重耳重耳畏殺因固謝不敢入已而晉更迎其弟



夷吾立之。是爲惠公。惠公七年。畏重耳。乃使宦者履鞮與壯士欲殺重耳。重耳聞之。乃謀趙衰等曰。始吾奔狄。非以爲可用興。以近。易通。故且休足。休足久矣。固願徙之大國。夫齊桓公好善。志在霸王。收恤諸侯。今聞管仲隰朋死。此亦欲得賢佐。盍往乎。於是遂行。重耳謂其妻曰。待我二十五年不來。乃嫁其妻。笑曰。犁<sup>即語字</sup>二十五。年吾冢上栢大矣。雖然。妾待子。重耳居狄凡十二年而去。過衛。衛文公不禮。去過五鹿。飢而從野人乞食。野人盛土器中進之。重耳怒。趙衰曰。土者有土也。君其拜受之。至齊。齊桓公厚禮而以宗女妻之。有馬二十乘。重耳安之。重耳至齊二歲。而桓公卒。



會豎刁等爲內亂。齊孝公之立，諸侯兵數至，留齊凡五歲。重耳愛齊女，母去心。趙衰咎犯乃於桑下謀行。齊女侍者在桑上聞之，以告其主。其主乃殺侍者，勸重耳趣行。重耳曰：「人生安樂，孰知其他？必死於此，不能去。」齊女曰：「子一國公子，窮而來此，數士者以子爲命。子不疾反國，報勞臣而懷女德，竊爲子羞之。且不求，何時得功？乃與趙衰等謀醉重耳，載以行，行遠而覺。重耳大怒，引戈欲殺咎犯。咎犯曰：「殺臣，成子偃之願也。」重耳曰：「事不成，我食舅氏之肉。」咎犯曰：「事不成，犯肉腥臊，何足食？」乃止。遂行，過曹。曹共公不禮，欲觀重耳。駢脅。曹大夫釐負羈曰：「晉公子賢，又同姓，窮來。」



鍾云重耳三歷城  
國或礼或不礼史  
公悲焉了吃乃報  
復張本

過我。柰何不禮。共公不從其謀。負羈乃私遺重耳食。置璧  
其下。重耳受其食。還其璧去。過宋。宋襄公新困兵於楚。傷  
於泓。聞重耳賢。乃以國禮禮於重耳。宋司馬公孫固善於  
咎犯。曰。宋小國新困。不足以求入。更之大國。乃去。過鄭。鄭  
文公弗禮。鄭叔瞻諫其君。曰。晉公子賢。而其從者皆國相。  
且又同姓。鄭之出自厲王。而晉之出自武王。鄭君曰。諸侯  
亡公子過此者衆。安可盡禮。叔瞻曰。君不禮。不如殺之。且  
後爲國患。鄭君不聽。重耳去之楚。楚成王以適諸侯禮待  
之。重耳謝不敢當。趙衰曰。子亡在外十餘年。小國輕子。况  
大國乎。今楚大國而固遇子。子其毋讓。此天開子也。遂以



客禮見之。成王厚遇重耳。重耳甚卑。成王曰：子即反國，何以報寡人？重耳曰：羽毛齒角玉帛，君王所餘，未知所以報。王曰：雖然，何以報不穀？重耳曰：即不得已，與君王以兵車會平原廣澤，請辟王三舍。楚將子王怒曰：王遇晉公子至厚，今重耳言不孫，請殺之。成王曰：晉公子賢，而困於外，久從者皆國器。此天所置，庸可殺乎？且言何以易之。居楚數月，而太子圉亡。秦秦然之，聞重耳在楚，乃召之。成王曰：楚遠，更數國，乃至。晉秦晉接境，秦君賢，子其勉行，厚送重耳。重耳至秦，繆公以宗女五人妻重耳，故子圉妻與往。重耳不欲受。司空季子曰：其國且伐，況其故妻乎？且受以結秦。



親而求入。子乃拘小禮，忘大醜乎？遂受繆公大歡，與重耳飲。趙衰歌黍苗詩，繆公曰：「知子欲急反國矣。」趙衰與重耳下，再拜曰：「孤臣之仰君如百穀之望時雨。」是時晉惠公十四年秋，惠公以九月卒，子圉立。十一月葬惠公，十二月晉國大夫欒卻等聞重耳在秦，皆陰來勸重耳。趙衰等反國，爲內應，甚衆。於是秦繆公乃發兵，與重耳歸晉。晉聞秦兵來，亦發兵拒之，然皆陰知公子重耳入也。唯惠公之故貴臣呂卻之屬不欲立重耳。重耳出亡凡十九歲而得入時。應前四十三年六十二矣。晉人多附焉。文公元年春，秦送重耳至河，咎犯曰：「臣從君周旋天下，過亦多矣。臣猶知之，況於君乎？」請



從此去矣。重耳曰：「若反國，所不與子犯共者。」河伯視之，乃投璧河中，以與子犯盟。是時，介子推從在船中，乃笑曰：「天實開公子，而子犯以爲己功，而要市於君，固足羞也。吾不忍與同位。」乃自隱渡河。秦兵圍令狐，晉軍于廬柳。二月辛丑，咎犯與秦晉大夫盟於郇。壬寅，重耳入于晉師。丙午，入于曲沃。丁未，朝于武宮，即位爲晉君。是爲文公。羣臣皆往。懷公圉奔高梁。戊申，使人殺懷公。懷公故大臣呂省、卻芮本不附文公。文公立，恐誅，乃欲與其徒謀燒公宮，殺文公。文公不知，始嘗欲殺文公。宦者履鞮知其謀，欲以告文公，鮮前罪，求見文公。文公不見，使人讓曰：「蒲城之事，女斬予。」



祛其後我從狄君獵女爲惠公來求殺我惠公與女期三  
日至而女一日至何速也女其念之宦者曰匿牙鋸之餘  
不敢以二心事君倍主故得罪於君君已反國其毋蒲翟  
乎且管仲射鉤桓公以霸今刑餘之人以事告而君不見  
禍又且及矣於是見之遂以呂卻等告文公文公欲召呂  
卻呂卻等黨多文公恐初入國國人賣已乃爲微行會秦  
繆公於王城國人莫知三月己丑呂卻等果反焚公宮不  
得文公文公之衛徒與戰呂卻等引兵欲奔秦繆公誘呂  
卻等殺之河上晉國復而文公得歸夏迎夫人於秦秦所  
與文公妻者卒爲夫人秦送三千人爲衛以備晉亂文公



脩政施惠百姓。賞從亡者及功臣。大者封邑。小者尊爵。未  
盡行賞。周襄王以弟帶難出居鄭地。來告急。晉初定。欲  
發兵。恐他亂起。是以賞從亡未至。隱者介子推。推亦不言  
祿。祿亦不及。推曰。獻公子九人。唯君在矣。惠懷無親。外內  
弃之。天未絕晉。必將有主。主晉祀者。非君而誰。天實開之。  
二三子以爲已力。不亦誣乎。竊人之財。猶曰是盜。況貪天  
之功。以爲已力乎。下冒其罪。上賞其姦。上下相蒙。難與處  
矣。其母曰。盍亦求之以死。誰慙。推曰。尤而效之。罪有甚焉。  
且出。然言不食其祿。母曰。亦使知者。若何。對曰。言身之文  
也。身欲隱。安用文之。文之是求顯也。其母曰。能如此乎。與



女偕隱至死不復見介子推從者憐之乃懸書宮門曰龍  
欲上天五蛇爲輔龍已升雲四蛇各入其宇一蛇獨然終  
不見處所文公出見其書曰此介子推也吾方憂王室未  
圖其功使人召之則亡遂求所在聞入綿上山中於是文  
公環綿上山中而封之以爲介推田號曰介山以記吾過  
且旌善人從亡賤臣壺叔曰君三行賞賞不及臣敢請罪  
文公報曰夫導我以仁義防我以德惠此受上賞輔我以  
行卒以成立此受次賞矢石之難汗馬之勞此復受次賞  
若以力事我而無補吾缺者此受次賞三賞之後故且及  
子晉人聞之皆說二年春秦軍河上將入王趙衰曰求霸



莫如入王尊周。周晉同姓。晉不先入王。後秦入之。毋以令于天下。方今尊王。晉之資也。三月甲辰。晉乃發兵至陽樊。圍溫。入襄王于周。四月。殺王弟帶。周襄王賜晉河內陽樊之地。四年。楚成王及諸侯圍宋。宋公孫固如晉告急。先軫曰。報施定霸於今在矣。狐偃曰。楚新得曹。而初婚於衛。若伐曹衛。楚必救之。則宋免矣。於是晉作三軍。趙衰舉卻縠將中軍。卻臻佐之。使狐偃將上軍。狐毛佐之。命趙衰為嘒欒枝將下軍。先軫佐之。荀林父御戎。魏犢為右。往伐。冬十二月。晉兵先下山東。而以原封趙衰。五年春。晉文公欲伐曹。假道於衛。衛人弗許。還自河南。度侵曹。伐衛。正月。取五



鍾云按此皆準  
出之時恩怨為說  
振太史公西  
大史公  
回引是事  
有文

鹿二月。晉侯齊侯盟于欽。孟衛侯請盟。晉人不許。衛侯  
欲與楚。國人不欲。故出其君以說晉。衛侯居襄牛。公子買  
守衛。楚救衛不卒。晉侯圍曹。三月丙午。晉師入曹。數之以  
其不用鑿負羈言。而用美女乘軒者三百人也。令軍毋入。  
僖負羈宗家以報德。楚圍宋。宋復告急。晉文公欲救則攻。  
楚為楚嘗有德。不欲伐也。欲釋宋。宋又嘗有德於晉。患之。  
先軫曰。執曹伯。分曹衛地以與宋。楚急曹衛。其勢宜釋宋。  
於是文公從之。而楚成王乃引兵歸。楚將子玉曰。王遇晉  
至厚。今知楚急曹衛而故伐之。是輕王。王曰。晉侯亡在外。  
十九年。困日久矣。果得反國。險阨盡知之。能用其民。天之



所開不可當。子玉請曰：「非敢必有功，願以間執讒慝之口也。」楚王怒，少與之兵。於是子玉使宛春告晉，請復衛侯而封曹。臣亦釋宋，咎犯曰：「子玉無禮矣！君取一，臣取二，勿許。」先軫曰：「定人之謂禮，楚一言定三國，子一言而亡之，我則毋禮，不許楚，是弃宋也，不如私許曹衛，以誘之，執宛春以怒楚，既戰而後圖之。」晉侯乃囚宛春於衛，且私許復曹衛。曹衛告絕於楚，楚得臣怒，擊晉師。晉師退，軍吏曰：「爲何退？」文公曰：「昔在楚，約退三舍，可倍乎？」楚師欲去，得臣不肯。四月戊辰，宋公、齊將、秦將與晉侯次城濮。己巳，與楚兵合戰。楚兵敗，得臣收餘兵去。甲午，晉師還至衡雍，作王宮于踐。



高云文侯誤出王  
時文侯仇也而乃  
誤以重耳當之  
可知文侯鬼馳載  
藉固行有誤文

土初鄭助楚。楚敗。懼使人請盟。晉侯。晉侯與鄭伯盟。五月  
丁未。獻楚俘於周。駟介百乘。徒兵千。天子使王子虎命晉  
侯爲伯。賜大輅。彤弓矢百。旅弓矢千。秬鬯一卣。珪瓚虎賁  
三百人。晉侯三辭。然後稽首受之。周作晉文侯命。王若曰。  
父義和。丕顯文武。能慎明德。昭登於上。布聞在下。維時上  
帝。集厥命于文武。恤朕身。繼予一人。求其在位。於是晉文  
公稱伯。癸亥。王子虎盟諸侯於王庭。晉焚楚軍。火數日不  
息。文公歎左右曰。勝楚而君猶憂。何。文公曰。吾聞能戰勝  
安者。唯聖人。是以懼。且子玉猶在。庸可喜乎。子玉之敗而  
歸。楚成王怒其不用其言。貪與晉戰。讓責子玉。子玉自殺。



晉文公曰我擊其外楚誅其內內外相應於是乃喜六月

晉人復入衛侯壬午

晉侯  
夢河

北歸國行賞狐偃爲首或曰城

濮之事先軫之謀文公曰城濮之事偃說我毋失信先軫

曰軍事勝爲存吾用之以勝然此一時之說偃言萬世之

功柰何以一時之利而加萬世功乎是以先之冬晉侯會

諸侯於溫欲率之朝周力未能恐其有畔者乃使人言周

襄王狩于河陽壬申遂率諸侯朝王於踐土孔子讀史記

至文公曰諸侯無召王王狩河陽者春秋諱之也丁丑諸

侯圍許曹伯臣或說晉侯曰齊桓公合諸侯而國異姓今

君爲會而滅同姓曹叔振鐸之後晉唐叔之後合諸侯而



滅兄弟非禮。晉侯說，復曹伯。於是晉始作三行。荀林父將中行。先穀將右行。先蔑將左行。七年，晉文公、秦穆公共圍鄭，以其無禮於文公亡過時。及城濮，時鄭助楚也。圍鄭，欲得叔瞻。叔瞻聞之，自殺。鄭持叔瞻告晉。晉曰：「必得鄭君而甘心焉。」鄭恐，乃間令使謂秦穆公曰：「亡鄭厚晉，於晉得矣。而秦未爲利，君何不解鄭得爲東道交？」秦伯說，罷兵。晉亦罷兵。九年冬，晉文公卒。子襄公歡立。是歲，鄭伯亦卒。鄭人或賣其國於秦。秦繆公發兵往襲鄭。十二月，秦兵過我郊。襄公元年春，秦師過周無禮。王孫滿譏之。兵至滑，鄭賈人弦高將市于周，遇之以十二牛，勞秦師。秦師驚而還，滅滑。



而去。晉先軫曰：「秦伯不用蹇叔，反其衆心，此可擊。」欒枝曰：「未報先君施於秦，擊之不可。」先軫曰：「秦侮吾孤，伐吾同姓，何德之報？」遂擊之。襄公墨衰絰。四月，敗秦師于殽，虜秦三將：孟明視、西乞術、白乙，以歸。遂墨以葬文公。文公夫人秦女，謂襄公曰：「秦欲得其三將戮之，公許遣之。」先軫聞之，謂襄公曰：「患生矣。」軫乃追秦將，秦將渡河，已在船中，頓首謝，卒不反。後三年，秦果使孟明伐晉，報殽之敗，取晉汪以歸。四年，秦繆公大興兵伐我，渡河，取王官，封殽尸而去。晉恐不敢出，遂城守。五年，晉伐秦，取新城，報王官役也。六年，趙衰成子欒貞子咎季子犯、霍伯皆卒。趙盾代趙衰執政。



七年八月襄公卒太子夷臯少晉人以難故欲立長君趙盾曰立襄公弟雍好善而長先君愛之且近於秦秦故好也立善則固事長則順奉愛則孝結舊好則安賈季曰不如其弟樂辰嬴嬖於二君立其子民必安之趙盾曰辰嬴賤班在九人下其子何震之有且爲二君嬖淫也爲先君子不能求大而出在小國僻也母淫子僻無威陳小而遠無援將何可乎使士會如秦迎公子雍賈季亦使人召公子樂於陳趙盾廢賈季以其殺陽處父十月葬襄公十一月賈季奔翟是歲秦繆公亦卒靈公元年四月秦康公曰昔文公之入也無衛故有呂卻之患乃多與公子雍衛太



子毋繆嬴日夜抱太子以號泣於朝曰先君何罪其嗣亦

何罪舍適而外求君將安置此出朝則抱以適趙盾所頓

首曰先君奉此子而屬之子曰此子材吾受其賜不材吾

怨乎今君卒言猶在耳而弃之若何趙盾與諸大夫皆患

繆嬴且畏誅乃背所迎而立太子夷臯是於靈公發兵以

距秦送公子雍者盾執國而迎公子雍矣復為穆嬴所趙劫而以兵拒秦之送公子雍者可乎

盾為將往擊秦敗之令狐先茂隨會亡奔秦秋齊宋衛鄭

曹許君皆會趙盾盟於扈以靈公初立故也四年伐秦取

少梁秦亦取晉之郤六年秦康公伐晉取羈馬晉侯怒使

趙盾趙穿卻缺擊秦大戰河曲趙穿最有功七年晉六卿



高云據左氏醫桑  
餓者曰是二人也  
即提彌明也今更  
云今而為一或別

患隨會之在秦常為晉亂乃詳令魏壽餘反晉降秦秦使  
隨會之魏因執會以歸晉八年周頃王崩公卿爭權故不  
赴晉使趙盾以車八百乘平周亂而立匡王是年楚莊王  
初即位十二年齊人弑其君懿公十四年靈公壯侈厚歛  
以雕牆從臺上彈人觀其避丸也宰夫胹熊蹯不熟靈公  
怒殺宰夫使婦人持其屍出弃之過朝趙盾隨會前數諫  
不聽已又見死人手二人前諫隨會先諫不聽靈公患之  
使鉏麇刺趙盾盾閨門開居處節鉏麇退歎曰殺忠臣弃  
君命罪一也遂觸樹而死初盾常田首山見桑下有餓人  
餓人示眯明也盾與之食食其半問其故曰宦三年未知



母之存不願遺母盾義之益與之飯肉已而為晉宰夫趙盾弗復知也九月晉靈公飲趙盾酒伏甲將攻盾公宰示

眯明知之恐盾醉不能起而進曰君賜臣觴三行可以罷

欲以去趙盾令先母及難盾既去靈公伏士未會先縱齧

狗名敖明為盾搏殺狗盾曰弃人用狗雖猛何為然不知

明之為陰德也已而靈公縱伏士出逐趙盾示眯明反擊

靈公之伏士伏士不進進而竟脫盾盾問其故曰我桑下

餓人問其名弗告○淮南子曰趙宣孟活飢人馬明亦因亡於委桑之下而天下稱仁焉

去盾遂奔未出晉境乙丑盾昆弟將軍趙穿襲殺靈公於

桃園而迎趙盾趙盾素貴得民和靈公少後民不附故為



弑易盾復位。晉太史董狐書曰：趙盾弑其君，以視於朝。盾曰：弑者趙穿，我無罪。太史曰：子爲正卿而亡不出境，反不誅國亂，非子而誰？孔子聞之曰：董狐，古之良史也。書法不隱。宣子，良大夫也。爲法受惡，惜也。出疆乃免。趙盾使趙穿迎襄公弟黑臀于周而立之，是爲成公。成公者，文公少子，其母周女也。壬申，朝于武宮。成公元年，賜趙氏爲公族。伐鄭，鄭倍晉故也。三年，鄭伯初立，附晉而奔楚楚，怒伐鄭。晉往救之。六年，伐秦，虜秦將赤。七年，成公與楚莊王爭彊，會諸侯于扈。陳畏楚，不會。晉使中行桓子伐陳，因救鄭與楚。戰，敗楚師。是年，成公卒。子景公據立。景公元年春，陳大夫



夏徵舒弑其君靈公二年。楚莊王伐陳，誅徵舒。三年，楚莊王圍鄭。鄭告急晉，晉使荀林父將中軍，隨會將上軍，趙朔將下軍，卻克欒書先穀韓厥鞏朝佐之。六月，至河間。楚已服鄭，鄭伯肉袒與盟而去。荀林父欲還，先穀曰：「凡來救鄭，不至不可。」將率離心卒渡河。楚已服鄭，欲飲馬於河，為名而去。楚與晉軍大戰，鄭新附，楚畏之。鄭之北，晉而助楚，過也。反助楚攻晉，晉軍敗走河，爭度。船中人指其衆，楚虜我將智瑩歸。而林父曰：「臣為督將軍，敗當誅，請死。」景公欲許之。隨會曰：「昔文公之與楚戰，城濮成王歸，殺子玉，而文公乃喜。今楚已敗我師，又誅其將，是助楚殺仇也。」乃止。四年，先穀以首計而敗晉軍。



高云先軫劉悍  
尚氣文義俱隆  
背德乎此先軫  
導之宜其生也  
先穀重以狼戾  
不仁而遂取滅族  
之禍也

河上。恐誅。先穀耻計之。謂晉遂奔翟而叛其族宜矣。乃奔翟。與翟謀伐晉。晉覺。乃族穀。穀先軫子也。五年。伐鄭。為助楚故也。是時楚莊王彊。以挫晉兵河上也。六年。楚伐宋。宋來告急。晉欲救之。伯宗謀曰。楚天方開之。不可當。乃使解揚給為救宋。鄭人執與楚。楚厚賜。使反其言。令宋急下。解揚給許之。卒致晉君言。楚欲殺之。或諫。乃歸解揚。七年。晉使隨會滅赤狄。八年。使卻克於齊。齊頃公母從樓上觀而笑之。所以然者。卻克僂而魯使蹇衛使眇。故齊亦令人如之以導客。卻克怒。歸至河上。曰。不報齊者。河伯視之。至國。請君欲伐齊。景公問知其故。曰。子之怨。安足以煩國。弗聽。魏文子請老休。辟



郤克克執政九年。楚莊王卒。晉伐齊。齊使太子彊爲質於  
於晉。晉兵罷。十一年春。齊伐魯。取隆。魯告急衛。衛與魯皆  
因郤克告急於晉。乃使郤克。欒書。韓厥以兵車八百乘與  
魯衛共伐齊。夏。與頃公戰於鞏。傷困頃公。頃公乃與其右  
易位。下取飲以得脫去。齊師敗走。晉追北至齊。頃公獻寶  
器以求平。不聽。郤克曰。必得蕭桐姪子爲質。齊使曰。蕭桐  
姪子。頃公母頃公母猶晉君母。柰何必得之。不義。請復戰。  
晉乃許與平而去。楚申公巫臣盜夏姬以奔晉。晉以巫臣  
爲邢大夫。十二年冬。齊頃公如晉。欲上尊晉。景公爲玉。景  
公讓不敢。晉始作六卿。韓厥。鞏朔。趙穿。荀騅。趙括。趙旃。皆



何以不為趙

為卿智瑩自楚歸十三年魯成公朝晉晉弗敬魯怒去倍  
晉晉伐鄭取汜十四年梁山崩問伯宗伯宗以為不足怪  
也十六年楚將子反怨巫臣滅其族巫臣怒遺子反書曰  
必令子罷於奔命乃請使吳令其子為吳行人教吳乘車  
用兵吳晉始通約伐楚十七年誅趙同趙括族滅之韓厥  
曰趙衰趙盾之功豈可忘乎柰何絕祀乃復令趙庶子武  
為趙後復與之邑十九年夏景公病立其太子壽曼為君  
是為厲公後月餘景公卒厲公元年初立欲和諸侯與秦  
桓公夾河而盟歸而秦倍盟與翟謀伐晉三年使呂相讓  
秦因與諸侯伐秦至涇敗秦於麻隧虜其將成差五年三



郤讒伯宗殺之伯宗以好直諫得此禍國人以是不附厲  
公六年春鄭倍晉與楚盟晉怒欒書曰不可以當吾世而  
失諸侯乃發兵厲公自將五月渡河聞楚兵來救范文子  
請公欲還郤至曰發兵誅逆見疆辟之無以令諸侯遂與  
戰癸巳射中楚共王即楚兵敗於鄢陵子反收餘兵拊循  
欲復戰晉患之共王召子反其侍者豎陽穀進酒子反醉  
不能見王怒讓子反子反死王遂引兵歸晉由此威諸侯  
欲以令天下求霸厲公多外嬖姬歸疆則驕驕則多內嬖而生亂欲盡去羣大夫而立  
諸姬兄弟寵姬兄曰胥童掌與郤至有怨及欒書又怨郤  
至不用其計而遂敗楚乃使人間謝楚楚來詐厲公曰鄢



高云樂書之書  
御之書乃最善  
似此設以難與文  
吳官其以之記祀  
打書也

陵之戰實至召楚欲作亂內子周立之諱會與國不具是以事不成厲公告樂書樂書曰其殆有矣願公試使人之周微考之果使卻至於周樂書又使公子周見卻至卻至不知見賣也厲公驗之信然遂怨卻至欲殺之八年厲公獵與姬飲卻至殺豕奉進宦者奪之卻至射殺宦者公怒曰季子欺予將誅三卻未發也卻錡欲攻公曰我雖死公亦病矣卻至曰信不反君智不害民勇不作亂失此三者誰與我我死耳十二月壬午公令胥童以兵八百人襲攻殺三卻胥童因以劫樂書中行偃于朝曰不殺二子患必及公公曰一旦殺三卿寡人不忍



夫字他本作父今更曰之

益也。對曰：人將忍君公弗聽。謝欒書等以誅卻氏罪。大夫復位。二子頓首曰：幸甚幸甚。公使胥童為卿。閏月乙卯，厲公游匠驪氏。欒書中行偃以其黨襲捕厲公囚之，殺胥童而使人迎公子周于周而立之。是為悼公。悼公元年正月庚申，欒書中行偃弒厲公葬之，以一乘車厲公囚六日死。死十日庚午，智瑩迎公子周來至絳，刑雞與大夫盟而立之。是為悼公。辛巳，朝武宮。二月乙酉，即位。悼公周者，其大矣。捷晉襄公少子也，不得立，號為桓叔。桓叔最愛桓叔生惠伯，談談生悼公。周之立，年十四矣。悼公曰：大父父皆不得立而辟難於周，客死焉。寡



我同裏

高云悼公之明  
而不計藥也  
行  
我君之罪蓋  
以其有援之功也  
孫孫孫昭子之不  
勞其不可及矣

悼公之、再、伯、有、以、夫、  
人自以踈遠母幾為君今大夫不忘文襄之意而惠立  
桓叔之後賴宗廟大夫之靈得奉祭祀豈敢不戰戰乎  
大夫其亦佐寡人於是逐不臣者七人循舊功施德惠  
收文公入時功臣後秋伐鄭鄭師敗遂至陳三年晉會  
諸侯悼公問羣臣可用者祁奚舉解狐解狐奚之仇復  
問舉其子祁午君子曰祁奚可謂不黨矣外舉不隱仇  
內舉不隱子方會諸侯悼公弟楊干亂行魏絳戮其僕  
悼公怒或諫公公卒賢絳任之政使和戎戎大親附十  
一月悼公曰自吾用魏絳九合諸侯和戎翟魏子之力  
也賜之樂三讓乃受之冬秦取我櫟十四年晉使六卿



高云悼公中失霸業  
甚偉然史公不  
詳載以是時政不  
云仲焉之大勢  
已趨於弱故也

率諸侯伐秦。度涇，大敗秦軍，至棧林而去。十五年，悼公問治國於師曠。師曠曰：「唯仁義為本。」冬，悼公卒。子平公彪立。平公元年，伐齊。齊靈公與戰，靡下。齊師敗走。晏嬰曰：「君亦毋勇，何不止戰？」遂去。晉追遂，圍臨菑，盡燒屠其郭中。東至膠，南至沂，齊皆城守。晉乃引兵歸。六年，魯襄公朝晉。晉欒逞有罪，奔齊。八年，齊莊公微遣欒逞於曲沃，以兵隨之。齊兵上太行，欒逞從曲沃中反，襲入絳，不戒。平公欲自殺。范獻子止公，以其徒擊逞。逞敗走曲沃。曲沃攻逞，逞死。遂滅欒氏宗。逞者，欒書孫也。其入絳與魏氏謀。齊莊公聞逞敗，乃還，取晉之朝歌，去以報臨菑。



六卿韓趙魏范  
氏中行氏智氏

之役也。十年齊崔杼弑其君莊公。晉因齊亂伐敗齊於高唐。去報太行之役也。十四年吳延陵季子來使與趙文子韓宣子魏獻子語曰晉國之政卒歸此三家矣。十九年齊使晏嬰如晉與叔嚮語。叔嚮曰晉季世也。公厚賦爲臺池而不恤政。政在私門其可久乎。晏子然之。二十二年伐燕。二十六年平公卒。子昭公夷立。昭公六年卒。六卿彊公室。卑子頃公去疾立。頃公六年周景王崩。王子爭立。晉六卿平王室亂立敬王。九年魯季氏逐其君昭公。昭公居乾侯。十一年衛宋使使請晉納魯君。季平子私賂范獻子。獻子受之。乃謂晉君曰季氏無罪不



高云晉國之所以  
卒為三卿烈也  
由獻公懲桓莊之難  
則驪姬之愛而  
祖無高厚公子  
故也夫公之國之  
葉而卒逐之於  
外可乎宗室精  
則兵旋以強夫叔  
不歸他姓不  
吳楊史云世家  
去茲哉以如義

果入魯君十二年晉之宗家祁侯孫叔嚮子相惡於君  
六卿欲弱公室乃遂以法盡滅其族而分其邑為十縣  
各令其子為大夫晉益弱六卿皆太十四年頃公卒子  
定公午立定公十一年魯陽虎奔晉趙鞅簡子舍之十  
二年孔子相魯十五年趙鞅使邯鄲大夫午不信欲殺  
午午與中行寅范吉射親攻趙鞅鞅走保晉陽定公圍  
晉陽荀櫟韓不信魏侈與范中行為仇乃移兵伐范中  
行范中行反晉君擊之敗范中行范中行走朝歌保之  
韓魏為趙鞅謝晉君乃赦鞅復位二十二年晉敗范中  
行氏二子奔齊三十年定公與吳王夫差會黃池爭長



高云晉自定  
公黃也必無  
手豈可為之

趙鞅時從卒長吳三十一年齊田常弑其君簡公而立  
簡公弟驁為平公三十三年孔子卒三十七年定公卒  
子出公鑿立出公十七年知伯與趙韓魏共分范中行  
地以為邑出公怒告齊魯欲以伐四卿四卿恐遂反攻  
出公出公奔齊道死故知伯乃立昭公曾孫驕為晉君  
是為哀公哀公大夫雍晉昭公少子也號為戴子戴子  
生忌忌善知伯早死故知伯欲盡并晉未敢乃立忌子  
驕為君當是時晉國政皆決知伯晉哀公不得有所制  
知伯遂有范中行地最彊哀公四年趙襄子韓康子魏  
桓子共殺知伯盡并其地十八年哀公卒子幽公柳立



前帝以沃為晉侯  
今賜韓趙魏為  
諸侯者亦宜為之  
賂今不如如何也

高云以滅晉侯  
時宋公今則  
供順一為家人之  
出亦反不為始

陳昌應曰人易  
三失其意易  
失其人此中無限  
謂漢

幽公之時晉畏反朝韓趙魏之君獨有絳曲沃餘皆入  
三晉十五年魏文侯初立十八年幽公淫婦人夜竊出  
中盜殺幽公魏文侯以兵誅晉亂立幽公子止是為烈  
公烈公十九年周威烈王賜趙韓魏皆命為諸侯二十  
七年烈公卒子孝公頌立孝公九年魏武侯初立襲邯  
鄲不勝而去十七年孝公卒子靜公俱酒立是歲齊威  
王元年也靜公二年魏武侯韓哀侯趙敬侯滅晉後而  
三分其地靜公遷為家人晉絕不祀  
太史公曰晉文公古所謂明君也亡居外十九年至困  
約及即位而行賞尚忘介子推况驕主乎靈公既弑其



後成景致嚴至厲大刻大夫懼誅禍作悼公以後日衰  
六卿專權故君道之御其臣下固不易哉

晉世家終



















